

Član 9.

Ukoliko Vlada prihvati mišljenje Ureda za zakonodavstvo, odnosno Ministarstva pravde i uprave i vrati propis, odnosno pravilnik, nosiocu izrade na dopunu ili doradu, nakon dopune i dorade postupa se ponovo na način utvrđen u čl. 4. i 7. ove Uredbe.

Član 10.

Ukoliko se propis, odnosno pravilnik, neće ponovo razmatrati na sjednici Vlade, nosilac izrade je dužan sačiniti prečišćeni tekst propisa u skladu sa zaključkom Vlade, a tačnost prečišćenog teksta potvrđuje rukovodilac kantonalnog organa, koji je nosilac izrade propisa, svojim potpisom na dostavljenom materijalu.

Član 11.

Ukoliko je za donošenje propisa nadležna Skupština, nosilac izrade je dužan da prečišćeni tekst propisa dostavi sekretaru

Vlade, radi dostavljanja za Skupštinu, a tačnost prečišćenog teksta potvrđuje rukovodilac kantonalnog organa, koji je nosilac izrade propisa, svojim potpisom na dostavljenom materijalu.

Član 12.

O dostavljanju propisa nadležnim organima i "Službenim novinama Kantona Sarajevo", radi objavljivanja, staraju se sekretar Vlade, za propise Vlade, odnosno ministri, za propise koje oni donose.

Član 13.

Stručna služba Vlade, odnosno ministarstva i drugi kantonalni organi, dužni su čuvati ovjerene primjerke propisa koje donose.

GRAD SARAJEVO

Gradsko vijeće

Na osnovu člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), Gradsko vijeće Grada Sarajeva, na svojoj sjednici održanoj 21. februara 2006. godine, donosi

ODLUKU

O UTVRĐIVANJU I OBILJEŽAVANJU DANA GRADA SARAJEVA

Član 1.

Ovom Odlukom utvrđuje se 6. april kao Dan Grada Sarajeva i propisuje način njegovog obilježavanja.

Član 2.

Dan Grada Sarajeva obilježava se održavanjem svečane sjednice Gradskog vijeća Grada Sarajeva, prezentiranjem građanima na prigodan način dostignuća Grada Sarajeva u prethodnom periodu, obilježavanjem događaja i obilaskom lokacija značajnih za Grad Sarajevo, te dodjeljivanjem javnih priznanja Grada Sarajeva u skladu s Odlukom o uslovima i načinu dodjele Šestoprijske nagrade Grada Sarajeva i Odlukom o priznanjima i nagradama Grada Sarajeva

Član 3.

Program obilježavanja Dana Grada Sarajeva donosi gradonačelnik Grada Sarajeva, i predlaže Gradskom vijeću Odluku o davanju suglasnosti na Program obilježavanja Dana Grada Sarajeva koju Gradsko vijeće usvaja, najkasnije do predlaganja Budžeta Grada Sarajeva za godinu u kojoj će se realizirati Program obilježavanja Dana Grada Sarajeva.

Član 4.

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-372/06
21. februara 2006. godine
Sarajevo

Predsjedavajući
Gradskog vijeća
Marin Ivanišević, s. r.

Na osnovu člana 24. stav 1. tačka 16. Statuta Grada Sarajeva ("Službene novine Kantona Sarajevo", broj 12/98 i 14/98), kao i na osnovu članova 5, 7 i 8, Odluke o priznanjima i nagradama Grada Sarajeva ("Službene novine Kantona Sarajevo", broj 33/01), Gradsko vijeće Grada Sarajeva, na sjednici od 21. februara 2006. godine, donosi

ODLUKU

O PROGLAŠENJU POČASNOG GRAĐANINA GRADA SARAJEVA

Član 1.

Počasnim građaninom Grada Sarajeva proglašava se Luciano Pavarotti, operski pjevač i tenor.

Član 2.

Počasnom građaninu uručuje se Povelja Grada Sarajeva.

Član 3.

Gradonačelnica Grada Sarajeva će Povelju Počasnog građanina Grada Sarajeva Lucianu Pavarottiju uručiti na svečanoj ceremoniji Gradskog vijeća Grada Sarajeva.

Član 4.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-371/06
21. februara 2006. godine
Sarajevo

Predsjedavajući
Gradskog vijeća
Marin Ivanišević, s. r.

Na osnovu člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), te člana 4. stav 3. Odluke o uslovima i postupku prihvatanja pokroviteljstva Grada Sarajeva ("Službene novine Kantona Sarajevo", broj 5/06), Gradsko vijeće Grada Sarajeva, na sjednici od 21. februara 2006. godine donosi

ODLUKU

O PRIHVATANJU POKROVITELJSTVA GRADA SARAJEVA NAD KONCERTOM LUCIANA PAVAROTTIA

Član 1.

Ovom odlukom prihvata se Pokroviteljstvo nad Koncertom Luciana Pavarottia, koji će se održati 8. 4. 2006. godine u dvorani Zetra u Sarajevu, uz finansijske obaveze Grada Sarajeva u iznosu od 50.000,00 KM.

Član 2.

Sredstva iz člana 1. Odluke izdvojiti će se iz Budžeta Grada Sarajeva.

Član 3.

Za realizaciju ove Odluke zadužuje se gradonačelnica Grada Sarajeva.